



Decisiones Sacramentales, Theologicæ, Canonicæ, & Legales

In Quibus Tota materia Sacramentorum, Theologiæ Moralis, Juris Canonici, & Quæstiones plurimæ Juris Civilis explicantur, dilucidantur, & traduntur, Eruditionibus, Historiis, & Exemplis adornatæ ; Opus Episcopis, Vicariis, Parochis, Confessariis, aliisque Studiosis utile, ac jucundum In Libris novem ...

De Sacrosancto Missæ Sacrificio Decisiones

Chiericato, Giovanni Maria

Augustæ Vindelicorum, 1730

Ex Commentariis in Rubrica Missalis.

[urn:nbn:de:hbz:466:1-94659](https://nbn-resolving.org/urn:nbn:de:hbz:466:1-94659)

duplici, dicantur de eodem festo cum applicatione Sacrificii. *Ead. Congreg. d. die 9. Aug. 1662.*

52. Missa Anniversaria de Requiem in cantu celebrari possunt etiam in duplici, qui non sit de præcepto. *Sac. Rit. Congr. die 22. Novembr. 1664. eodem Alex. VII. approbante.*

53. Missa, quæ celebranda forent de Requiem ad Altare privilegiatum, possunt dici de festo currenti ad idem Altare, & valet Privilegium ac si dicta essent de Requiem, ut indulget Clemens Papa IX. die 25. Septembr. 1669.

54. Officium, ac Missa recitari non potest de Sanctis, quorum corpora, aut Reliquiæ insignes habentur in Ecclesiis, nisi ea sint descripta in Martyrologio Romano, & fides certa habeatur de eorum identitate. *Sac. Rit. Congr. die 11. Aug. 1691. ap-*

probante Innoc. XII. excepto tamen, si in contrarium staret præscriptio immemorabilis, quæ per hoc Decretum non censetur sublata

55. Missa in festo Patroni Principalioris loci est de præcepto audienda; & vacandum ab operibus servilibus. *Sac. Rit. Congregat. die 13. Septembr. 1642.*

56. Quæcumque dies Octava Beatæ Mariæ Virginis concurrens cum alio duplici minori, habet integritas utraque Vesperas. *Ex Decreto S. R. C. die 11. Augusti 1691.*

57. Concurrentibus duobus festis duplicibus minoribus, nullo habito respectu ad dignitatem Personarum (exceptis Festis B. M. V.) Vesperæ sunt inter ipsa dividendæ, ut specialiter de festo SS. Angelorum Custodum concurrente cum duplici minore statuit S. Rit. Congr. die 27. Sept. 1698.

Ex Commentariis in Rubrica Missalis.

Quando Rubrica dicit, quoad fieri potest, Missa cum officio conveniat, loquitur Rubric. de privatis Missis: nam Missa Conventualis debet semper concordare cum officio, cum creatura de celebrat. Missarum.

Missa votivæ, quamvis habeant Præfationem propriam, si infra Nativitatem Domini celebrantur, non aliam Præfationem admittunt, nisi de Nativitate; Sicut & festum Sancti Joannis Apostoli, & Evangelistæ argumento à fortiori.

Mutatio colorum in paramentis Altaris, & Ministrorum debet fieri in primis Vesperis festi. Si autem Vesperæ non sint integræ, is color adhibendus est initio Vesperarum, qui congruit illi, de quo dicitur Capitulum.

Si officium, & Missa discordant, color Altaris sequitur officium, excepta Missa solemni in Vigilia Pentecostes, & Litaniis majoribus, & minoribus.

Pro Missa quacumque solemni convenit, ut pallium etiam Altaris concordet cum colore paramentorum Missæ, quod annotavit rectè P. Ruiz in suo Cærem.

Canonicus in Missa celebranda non debet uti Almutia, non enim spectat ad vestes Missæ, vel Altaris.

Qui Missas novas celebrant, non possunt circuire Ecclesiam ad oblationem. *Ex Decreto Sacre Congregationis Trid. sess. 22.*

Quando Missa votiva exigitur v. g. de Assumptione Beatæ Virginis, de Nativitate ejusdem, & hujusmodi, potest dici Missa votiva de Beata Maria, prout in Missis votivis, cum intentione ad honorem Assumptionis, Nativitatis Beatæ Mariæ, &c.

Si dicatur aliqua Missa votiva de aliquo Sancto, mutatur in Collecta Natalitia, seu festa in verbum Commemorationem.

Orationes, quæ ab Ecclesia certum habent locum, præcedunt quibuscumque votivis, quæ ad arbitrium Sacerdotis dicuntur, & extremum occupant locum, & sicut votiva v. g. de Spiritu Sancto cedit commemorationi festi simplicis, ita cedere debet Orationi, *A cunctis*, vel aliis, quæ secundo, vel tertio loco jubentur dici: cæteris autem patibus attenditur dignitas eorum, de quibus est oratio.

Quando cantantur duæ Missæ à Dominica Passionis usque ad Dominicam Palmarum, scilicet de Feria, & de Sancto Semiduplici, tunc in Missa de Semiduplici Oratio secunda erit Ecclesiæ, vel pro Papa, neque dicetur tertia Oratio, & ita Romæ fit.

D. Clericali Tom. I. Liber. III.

Quando occurrit fieri commemorationem alicujus Sancti v. g. in officio de Beata Maria in Sabbato, tunc in Missa ponitur commemoratio illius Sancti secundo loco, & tertia oratio dicitur, quæ aliàs secundo loco dicenda erat, & relinquitur, quæ tertio loco dicenda foret, nisi fuisset facta commemoratio.

Oratio pro seipso Sacerdote non debet dici in Missa, præsentem Episcopo proprio, vel eo majori, vel Principe magno; potius est orandum pro Prælato, seu pro Principe præsentem ob reverentiam eorumdem majorum.

Dominica privilegiata occurrens in die octava, duas tantum habere debet Orationes, de Dominica, & de octava.

In die Depositionis, & Anniversarii Summi Pontificis, pro Cardinalibus, & Episcopis dicitur prima Missa. Pro Sacerdote autem dictis diebus in plerisque Ecclesiis majoribus Romæ dicitur secunda Missa pro Defunctis, mutata Oratione. Si tamen dicatur Missa prima, favet Rubrica in fine Missarum pro Defunctis, quæ concedit Epistola, & Evangelia unius Missæ dici posse in alia quacumque Missa pro Defunctis.

Oratio in Tertio, Septimo, & Trigésimo dicenda non debet dici in iis diebus, qui occurrunt inter Tertium, Septimum, & Trigésimum, sed tantum in propriis diebus assignatis.

Orationes extra Missam dicuntur semper junctis manibus.

Quando dicitur *Consteor* in principio Missæ, non debet addi nomen Sancti Patroni loci, vel alterius pro libito Sacerdotis, quia Pius V. hoc expresse concessit Ecclesiis Hispaniarum, non igitur fieri debet sine Papæ licentia.

Dicto Evangelio non deferitur laicis liber osculandi ipsius celebrantis, qui proprium eo casu semper osculari debet librum. Ita statuit Sac. Congreg. super negotiis Episcoporum 22. & 23. Augusti 1589. Neque Commendatario 17. Septembris 1611. Sac. Rit. Congreg. Bissus Lit. E. num. 147. §. 16.

Omittens Sacerdos osculum libri, omittit etiam *Per Evangelicam* &c.

Dari pacem cum patena in Missa prohibuit Pius V. in Epistola ad Episcopum Tarraconensem.

Beneficiatus quilibet habens Ecclesiam, quæ est Tit. beneficii, licet apud eam non resideat, debet tamen festum ejusdem colere, uti primæ Classis, & cum octava celebrare, quia est festum tituli Ecclesiæ.

b

INDEX